

ils ne pouuoient comprendre comme vne ieune fille si tendre & si delicate, pût oublier son païs & ses parens, avec la gaieté qu'elle faisoit paroistre en son visage, & en ses paroles.

Le sieur Giffard la traittant dans sa maladie, luy dit: que c'estoit fait de sa vie, qu'elle auoit trois maladies mortelles: cette ame innocente, se mit à rire, se montrant aussi ioieuse de la nouvelle de la mort, qu'un autre eût fait de la nouvelle de la vie; nous ne manquions pas de rapporter tout cela aux Sauvages, qui prenoient [103] un singulier plaisir de l'aller voir, elle les careffoit en souffrant, ce qui les touchoit fort. La vertu a plus d'eloquence que l'Aristote ou le Ciceron.

Quelqu'un de nous luy demandant, certain iour, si elle n'auoit point de regret d'auoir passé la mer, d'auoir quitté vne maison qui la pouuoit secourir, & qui auroit trouué des remedes propres pour la remettre en santé, si la pauvreté du païs, l'incommodité du logement, l'absence de tant de bonnes filles, le defect de viures, propres pour vne personne malade, ne luy cauoient point quelque tristesse; cette petite colombe le regardant d'un œil qui faisoit voir la sincerité de son cœur, luy dit; Mon Pere si i'estois en France, & qu'on me presentaist toutes les grandeurs, capables d'allecher un cœur, ie les quitterois toutes, pour venir en Canada, quand mesme ie ferois affeurée d'y trouuer la maladie qui afflige mon corps; car il me semble que la resignation que ie refens dans mon cœur, & la patience que i'ay dans vne maladie bien longue & bien douloureuse, m'a esté donnée de Dieu, en consideration du Canada, pour m'estre offerte à sa [104] Maiesté, sans referue, prenant plaisir de luy venir sacrifier ma vie, au seruice des pauvres Sau-